

Hysbysiad preifatrwydd yn ymwneud â phrosesu data personol gan yr ysgol at ddibenion arholiadau.

(Fersiwn 1.1 – er 21.02.2023)



MAE EICH DATA O BWYS

YOUR DATA MATTERS

Ynglŷn â'r hysbysiad preifatrwydd yma

Mae'r hysbysiad preifatrwydd yma'n ymwneud â phrosesu data personol gan ysgolion uwchradd ac ysgolion pob oed (Blynyddoedd 7-13) sy'n cael eu cynnal gan yr awdurdod lleol ('Cyngor Bwrdeistref Sirol Rhondda Cynon Taf' 'CBSRhCT') yn Rhondda Cynon Taf (RhCT). Mae hefyd yn ymwneud â phrosesu data personol gan ysgolion ffydd (Blynyddoedd 7-13) yn RhCT sy'n cael eu hariannu'n wirfoddol.

Cliciwch [yma](#) am restr lawn o'r ysgolion y mae'r hysbysiad preifatrwydd yma'n berthnasol iddyn nhw.

Caiff yr hysbysiad preifatrwydd yma ei ddarparu gan CBSRhCT ar gyfer ysgolion o dan Gytundeb Lefel Gwasanaeth diogelu data, ac ar eu rhan.

Cyflwyniad

Bwriad yr hysbysiad preifatrwydd hwn yw rhoi gwybodaeth am sut y bydd yr ysgol yn defnyddio (neu'n 'prosesu') data personol am unigolion gan gynnwys ein disgyblion presennol, blaenorol a darpar ddisgyblion a'u rhieni, cynhalwyr neu warcheidwaid (wedi'u cyfeirio atyn nhw yn yr hysbysiad yn 'rhieni') at ddiben arholiadau.

Mae'r term 'arholiad' yn yr hysbysiad preifatrwydd yma hefyd yn cwmpasu achrediadau ac asesiadau ac ati, gan gynnwys, ond heb fod yn gyfyngedig i;

- Arholiadau TGAU
- Arholiadau lefel A
- Bagloriaeth Cymru
- Gwobr Dug Caeredin
- Cymwysterau BTEC

Er ein bod ni wedi ceisio gwneud yr hysbysiad preifatrwydd yma mor glir a chryno â phosibl, mae'n bosibl y bydd y categorïau o ddata personol rydyn ni'n eu prosesu yn amrywio yn dibynnu ar yr arholiad a gafodd ei sefyll ac unrhyw gymorth neu addasiadau y mae eu hangen ar ddisgybl ar gyfer yr arholiad. Os oes angen rhagor o wybodaeth benodol arnoch chi am eich plentyn, mae croeso i chi gysylltu â'r Arweinydd Diogelu Data.

Dim ond y lleiafswm o wybodaeth bersonol sydd ei hangen mewn perthynas â'r diben fydd yn cael ei phrosesu.

Dylech chi ddarllen yr hysbysiad preifatrwydd yma yn ogystal â:

- Hysbysiad Preifatrwydd Cyffredinol yr ysgol

Y Rheolwr Data

Yr ysgol yw'r rheolwr data ar gyfer y data personol rydyn ni'n ei brosesu, oni nodir yn wahanol. Mae hyn yn cynnwys y data personol sy'n cael ei brosesu gan y Corff Llywodraethu, pennaeth, llywodraethwyr unigol, athrawon, cynorthwywyr addysgu a staff cymorth ac ati.

Mae'r ysgol wedi'i chofrestru gyda Swyddfa'r Comisiynydd Gwybodaeth fel rheolwr.

Sut i gysylltu â ni ynglŷn â materion neu bryderon diogelu data

Arweinydd Diogelu Data'r ysgol yw'r prif bwynt cyswllt ar gyfer materion diogelu data. Mae modd cysylltu â'r Arweinydd Diogelu Data gan ddefnyddio ein dulliau cyswllt arferol; dros y ffôn, e-bost, drwy'r post a drwy alw heibio yn yr ysgol. Cliciwch [yma](#) am fanylion cyswllt.

Y Swyddog Diogelu Data

Mae CBSRhCT yn darparu gwasanaeth cymorth diogelu data i'r ysgol o dan Gytundeb Lefel Gwasanaeth, gan gynnwys darparu Swyddog Diogelu Data.

Mae modd cysylltu â'r Swyddog Diogelu Data mewn perthynas â materion diogelu data. Fodd bynnag, rydyn ni'n eich annog chi i gysylltu â'r ysgol yn y lle cyntaf. Os bydd angen i chi gysylltu â'r Swyddog Diogelu Data yn uniongyrchol, mae modd i chi wneud hynny drwy e-bost i'r cyfeiriad e-bost canlynol;

- Rheoli.Gwybodaeth@rctcbc.gov.uk

Rydyn ni'n argymhell, wrth i chi gysylltu â'r Swyddog Diogelu Data, eich bod chi'n anfon copi o'r ohebiaeth at yr ysgol, a hithau'n rheolwr data.

Y mathau o ddata personol rydyn ni'n eu prosesu

Rydyn ni'n prosesu'r categorïau canlynol o ddata personol at ddibenion arholi.

Data personol yn ymwneud â disgyblion ac ymgeiswyr preifat (e.e. cyn-ddisgyblion sy'n ailsefyll arholiad yn yr ysgol);

- Gwybodaeth bersonol megis enw, dyddiad geni, blwyddyn/dosbarth, rhif unigryw y disgybl ac ati.
- Manylion cyswllt – cyfeiriad, rhif ffôn, cyfeiriad e-bost.
- Anghenion dysgu ychwanegol, anabledd a gwybodaeth iechyd perthnasol – sy'n ofynnol er enghraifft, os oes angen addasiadau mewn perthynas â'r arholiad.
- Gwybodaeth asesu/gwaith cwrs (os yw'n berthnasol i'r cymhwyster)
- Manylion arholiad – yr arholiad a gafodd ei sefyll, pynciau, canlyniadau ac ati.
- Gwybodaeth yn ymwneud ag unrhyw apêl yn ymwneud ag arholiadau

Data personol yn ymwneud â rhieni

- Manylion datgelu personol megis enw, perthynas â'r disgybl
- Manylion cyswllt – cyfeiriad, rhif ffôn, cyfeiriad e-bost.
- Manylion ariannol – os oes taliad am unrhyw arholiad, cymhwyster ac ati

Pam rydyn ni'n prosesu data personol

Rydyn ni'n prosesu'r data personol er mwyn cyflawni ein swyddogaethau statudol sy'n ymwneud ag arholiadau.

Mae'n bosibl y bydd hyn yn cynnwys ond heb ei gyfyngu i'r gweithgareddau canlynol:

- Gwneud cais am arholiadau
- Gweinyddu cyffredinol
- Prosesu taliadau sy'n ymwneud ag arholiadau
- Gwneud unrhyw ddarpariaethau sy'n ymwneud â'r arholiadau, e.e. addasiadau ac ati.
- Coladu gwybodaeth gwaith cwrs/asesu (os yw'n berthnasol i'r cymhwyster)
- Cynnal/goruchwylio'r arholiad
- Darparu canlyniadau arholiadau
- Cyfathrebu gyda rhieni a disgyblion
- Hwyluso arolygiadau gan fwrdd arholi ac ati.
- Apeliadau yn ymwneud ag arholiadau
- Ffurflenni statudol

Ein sail gyfreithiol ar gyfer prosesu'r data personol

Yn unol â'r Rheoliadau Diogelu Data Cyffredinol, ein sail gyfreithiol ar gyfer prosesu data personol i ymgymryd â'n swyddogaeth statudol mewn perthynas ag arholiadau yw;

- **Tasg Gyhoeddus** – Erthygl 6 (e) – prosesu sy'n angenrheidiol ar gyfer cyflawni tasg er budd y cyhoedd neu arfer awdurdod swyddogol sydd wedi'i roi i'r rheolwr.
- **Budd sylweddol i'r cyhoedd** – Erthygl 9 (2) (g) – prosesu sy'n angenrheidiol er budd sylweddol y cyhoedd, ar sail cyfraith Undebol neu aelod-wladwriaeth sy'n gyfraneddol i'r nod, yn parchu hanfod hawliau diogelu data ac yn darparu mesurau addas a phenodol i ddiogelu hawliau sylfaenol a buddion y person y mae'r data amdano.

Mae'r ddeddfwriaeth sylfaenol, rheoliadau a chanllawiau sy'n ategu hyn yn cynnwys, ond heb ei gyfyngu i:

- Deddf Addysg 2002
- Deddf Cymwysterau Cymru 2015
- Deddf Cwricwlwm ac Asesu Cymru 2021

Gan bwy ac o ble rydyn ni'n casglu data personol?

Mae'n bosibl i ni dderbyn data gan:

- Disgyblion/Ymgeiswyr Preifat
- Rhieni
- Staff yr ysgol
- Goruchwylwyr arholiadau
- Byrddau Arholi

Gyda phwy mae data yn cael eu rhannu?

Mae'n bosibl y byddwn ni'n rhannu data personol â'r sefydliadau allweddol canlynol at ddibenion arholi.

Dim ond y lleiafswm o wybodaeth bersonol sydd ei hangen mewn perthynas â'r diben fydd yn cael ei rhannu.

Pwy	Diben
Byrddau Arholi (e.e. CBAC, AQA, EDEXEL)	<ul style="list-style-type: none">Cofrestru ymgeisydd, derbyn canlyniadau, tystysgrifau cymhwyster ac ati.
Y Cyd-gyngor Cymwysterau	<ul style="list-style-type: none">Dibenion archwilio ac arolygu
Goruchwylwyr arholiadau (os ydyn nhw'n dod o'r ysgol neu y tu allan i'r ysgol)	<ul style="list-style-type: none">I oruchwyllo'r arholiad
Carfan Data'r Awdurdod Lleol (Cyngor Bwrdeistref Sirol Rhondda Cynon Taf) Consortium Canolbarth y De Llywodraeth Cymru	<ul style="list-style-type: none">Ffurflenni/adroddiadau statudolGwella Ysgolion

Proseswyr data

Mae proseswr data yn gwmni neu sefydliad sy'n prosesu data personol ar ran rheolwr. Mae'r ysgol yn defnyddio proseswyr data sy'n darparu gwasanaethau i ni. Y categori o broseswyr data y mae'r ysgol yn eu defnyddio mewn perthynas â phrosesu data arholiadau yw:

- Cyflenwyr systemau/darparwyr gwasanaethau TG

Mae ein proseswyr data yn gweithredu ar ein cyfarwyddyd ni yn unig. Does dim modd iddyn nhw wneud unrhyw beth gyda'r data personol oni bai ein bod ni wedi eu cyfarwyddo i wneud hynny. Fyddan nhw ddim yn rhannu'r wybodaeth bersonol ag unrhyw sefydliad ar wahân i ni nac yn ei defnyddio at eu dibenion eu hunain. Byddan nhw'n ei dal yn ddiogel ac yn ei chadw am y cyfnod rydyn ni wedi'u cyfarwyddo i wneud hynny.

Os oes gyda chi ymholiad penodol yn ymwneud â'n proseswyr data, cysylltwch â'r Arweinydd Diogelu Data.

Am ba mor hir y byddwn ni'n cadw'r data personol?

Rydyn ni'n cadw'r data personol sydd wedi'i gynnwys yn y cofnodion profiad gwaith a gyrfaedd fel a ganlyn;

Cofnod	Disgrifiad Syml o'r Cofnod	Darpariaeth statudol	Cyfnod cadw'r wybodaeth
Canlyniadau arholiadau	Canlyniadau arholiadau	Ddim yn berthnasol	Blwyddyn gyfredol + 6 mlynedd
Tystysgrifau arholiad – copïau disgyblion	Copïau o Dystysgrifau	Ddim yn berthnasol	Dylid eu dychwelyd i'r bwrdd arholi ar ôl cyfnod rhesymol
Gwybodaeth am ganlyniadau arholiadau	Gwybodaeth ystadegol am gyrhaeddiad (nid data lefel disgybl)	Rheoliadau Addysg (Gwybodaeth Ysgolion) (Cymru) (Diwygio) 2004	Argymhellir 10 mlynedd ar ôl y dyddiad cyflwyno

Ar ôl i'r cyfnod cadw ddod i ben, bydd data personol yn cael ei ddifetha'n ddiogel ac yn barhaol.

NODWCH: Er mwyn dilyn egwyddor storio data Rheoliadau Diogelu Data Cyffredinol, mae'r cofnodion yn cael eu hadolygu'n rheolaidd. Dim ond data personol sy'n berthnasol sy'n cael ei gadw am y cyfnod cyfan. Caiff unrhyw wybodaeth sy'n amherthnasol yn y tymor hir neu sy'n amherthnasol yn dystiolaethol ei dinistrio yn y cwrs busnes arferol.

Eich hawliau o ran diogelu data

O dan gyfraith diogelu data, mae hawliau gyda chi y mae angen i ni eich gwneud chi'n effro iddyn nhw. Mae'r hawliau sydd ar gael i chi yn dibynnu ar ein rheswm dros brosesu eich data personol.

Eich hawl i weld eich data personol

Mae'r hawl gyda chi i ofyn i ni am gopiâu o'ch data personol. Mae'r hawl yma'n berthnasol ar bob adeg. Mae rhai eithriadau, sy'n golygu efallai na fyddwch chi'n derbyn yr holl ddata rydyn ni'n ei brosesu bob amser. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

Eich hawl i'ch data gael ei gywiro

Mae'r hawl gyda chi i ofyn i ni gywiro data personol sy'n anghywir yn eich barn chi. Hefyd, mae gyda chi'r hawl i ofyn i ni gwblhau data sy'n anghyflawn yn eich barn chi. Mae'r hawl yma'n berthnasol ar bob adeg. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

Eich hawl i gael eich data wedi'i ddileu

Mae'r hawl gyda chi i ofyn i ni ddileu eich data personol mewn rhai amgylchiadau. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

Eich hawl i gyfyngu ar sut mae sefydliadau'n defnyddio'ch data

Mae'r hawl gyda chi i ofyn i ni gyfyngu ar brosesu eich data personol mewn rhai amgylchiadau. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

Eich hawl i wrthwynebu'r defnydd o'ch data

Mae'r hawl gyda chi i wrthwynebu i ni brosesu eich data personol mewn rhai amgylchiadau. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

Eich hawl i drosglwyddo data

Mae hyn ond yn berthnasol i ddata personol rydych chi wedi ei roi i ni. Mae'r hawl gyda chi i ofyn i ni drosglwyddo'r data personol rydych chi wedi'i roi i ni o un sefydliad i'r llall neu ei roi i chi. Mae'r hawl yma ond yn berthnasol os ydyn ni'n prosesu'r data personol yn seiliedig ar eich caniatâd neu o dan ymrwymiad i gontract, neu wrth drafod derbyn contract, a bod y prosesu'n awtomataidd. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

Does dim rhaid i chi dalu am arfer eich hawliau. Mae mis gyda ni i ymateb i'ch cais o'r dyddiad y caiff eich cais ei ddilysu. Mae modd i ni ymestyn y cyfnod yma am ddau fis arall os yw'r cais yn gymhleth neu os byddwn ni'n derbyn nifer o geisiadau gennych chi.

Cysylltwch ag Arweinydd Diogelu Data'r ysgol os ydych chi'n dymuno gwneud cais.

Eich hawl i wneud cwyn i'r ysgol ynghylch diogelu data

Mae'r hawl gyda chi i gwyno i'r ysgol os ydych chi o'r farn nad ydyn ni wedi trin eich data personol yn gyfrifol ac yn unol ag arfer da.

Os oes gennych chi bryder, rydyn ni'n eich annog i gysylltu â'r Arweinydd Diogelu Data yn y lle cyntaf. Mae modd datrys y rhan fwyaf o bryderon yn gymharol gyflym trwy ffonio neu e-bostio'r ysgol. Os hoffech chi wneud cwyn ffurfiol mae modd i chi wneud hynny drwy ein polisi cwynion.

Eich hawl i wneud cwyn i'r Swyddfa'r Comisiynydd Gwybodaeth ynghylch diogelu data

Mae modd i chi hefyd gwyno i Swyddfa'r Comisiynydd Gwybodaeth os ydych chi'n anfodlon â sut rydyn ni wedi defnyddio'ch data, ond rydyn ni'n eich annog chi i gysylltu â ni yn y lle cyntaf.

Dyma fanylion cyswllt Swyddfa'r Comisiynydd Gwybodaeth:

- Cyfeiriad: Information Commissioner's Office, Wycliffe House, Water Lane, Wilmslow, Cheshire, SK9 5AF
- Rhif y Llinell Gymorth: 0303 123 1113
- Gwefan: <http://www.ico.org.uk>

Rheoli'r fersiwn

Rhif y Fersiwn	Dilys o	Dilys hyd at	Sylwadau
1.0	15.08.2022	21.02.2023	Llunio'r ddogfen. Y ddogfen derfynol.
1.1	21.02.2023		Adolygwyd 21.02.2023 yn unol â gwelliant i fersiwn Saesneg.